

全史詳校

伊8
2.611
2





門 小 8  
號 2611  
卷 2



金史詳校卷三上

烏程施國祚學

卷二十

天文志 元本天文下注日薄食輝珥雲氣月五星凌犯及星變

日薄食 案此條今止校與宋不合事其小合者別詳金源雜興大明歷詩注至輝珥雲氣兩國紀志多不合不敢校也

太祖 案宋徽紀政和五年七月戊辰朔日食收國元年不書又重和元年五月壬午朔天輔二年不書

天輔 六年春二月庚寅朔 宋宣和四年二月不載



七年秋八月辛巳朔 宋同遼天祚紀保大三年不載案  
金初本遼歷豈有不合者乃遼紀脫耳

天會 十三年正月丙午朔 宋高紀作乙巳朔詳本紀  
斜角交行 案宋高紀紹興七年二月癸巳朔熙紀天會  
十五年不書

天眷三年七月癸卯朔 宋紹興十年不載

皇統 四年六月辛巳朔 宋紹興十四年不載

乙亥朔日食 案宋紹興十七年十月辛卯朔皇統七年  
不書

丙戌白虹貫之 之北作日是

海陵勅自今日食皆面奏不須頒告中外 十六字當削

案文與海紀複

正隆 六年 案宋紹興三十一年正月甲戌朔海紀不  
書

大定 七年四月戊辰朔 宋孝紀乾道三年不載

北方微有赤氣 微元作微

承安三年正月己亥朔 宋甯紀慶元三年不載 案滹

南集太乙三代度師蕭公表承安改元日食正旦父老  
懼災請師作醮於神霄宮卽此

五年十一月癸丑日食注宋史作六月乙酉朔 丑下當



加朔紀

注八字當削

案是年即宋慶元六年日食

宋金不同月者凡三是年十一月大安二年十二月正

大五年十二月宋皆作六月 又志注他史無此例即

此志大安二年正大五年亦並無注

泰和 三年 案宋嘉泰三年四月己亥朔章紀不書

六年 二月壬子朔 案章紀不書宋開禧二年二月亦

不載

大安元年 元當作二紀

十二月辛酉朔 辛酉疑作乙卯詳本紀 案宋嘉定三

年作六月丁巳朔

經月乃已 案宋嘉定四年十一月乙酉朔衛紀不書

貞祐元年 十二月 二巳作一

四年 閏七月壬午朔 宋嘉定九年閏月不載

興定 二年七月庚午朔 宋嘉定十一年七月不載

正大二年二月甲寅 巳作正月甲申

省前有氣 省當作日

四年 案宋理紀寶慶三年六月戊申朔哀紀不書

五年十二月庚子朔 宋紹定元年作六月壬寅朔

日有兩珥 案宋紹定六年九月壬寅朔天興二年不書

京索之間雨血十餘里 九字當削改入五行志 案此



異不得順文雜入天文類

月食 案月食較日食差輕故宋志有而此志不書者並從省惟本志有而宋志無者俱載亦詳金源雜興本詩注至五星凌犯變等尤屬參差不合不敢臆校

皇統 三年正月己丑 丑下當加朔紀

至五月壬戌始減 此下當加六月

太白經天 案太白附日而行惟早晚見於東西若見於午位為經天其餘方位則但書畫見見漢書楚元王傳孟康注及草木子

十二月乙卯朔太白經天丙子月食閏月己亥太白經天

二十二字當削 案文為貞元元年事而重書於天

德四年乃史官誤錄失刪妄加甲子以欺後人者

貞元二年 二北作元是

十二月乙卯 卯下當加朔

庚午月食 宋志不載

閏月乙酉 酉下當加朔

二年 三月辛巳月食 元無月字 宋志不載

十一月甲子月食 宋志不載

正隆 三年 二月己卯 己當作乙宋志

辛巳月食 辛當作乙 宋志不載



四年 十二月 月下當加甲子

海陵問司天提點馬貴中曰至無兵兵起 九十六字當

削 案文與馬貴中傳複

六年七月乙酉月食 宋志不載

先是海陵問司天馬貴中曰至南伐遇弒 一百五十一

字當削 案文與馬貴中傳複

大定 四年 十一月丙申月食既 宋志作五月

六年 六月太白晝見辛巳經天 當作六月辛巳太白

晝見紀

十一年 八月癸卯 卯下當加朔紀

十一月甲子太白晝見 此上當加十五年紀

二十一年 二月甲子 二月當作三月

注以下史闕 當加十一月丁亥月食 案歷志序云二

十一年十一月望太陰虧食遂命司天校歷宋志瀆熙

八年十一月丁亥同今據補

辛巳夜月食既 夜字當削

歲星犯軒轅太星 太北作大是

丁丑月掩卯 卯元北並作昴是

明昌元年 十二月乙未月食 宋志作十一月譌

二年 十二月戊子木金相犯 案張行簡傳云校劉道



用新曆二年十二月十四日金木俱在危十三度道用  
曆在十三日差一日即此

三年 四月丁巳月食 宋志作乙巳譌 案張行簡傳

云校是夜月食時刻不同即此

四年 九月戊申月食 申當作寅 宋志不載

五年十月癸卯月食 宋志作九月譌

承安 二年 二月 己未 月食既 宋志作七月譌

三年正月甲寅月食 宋志不載

泰和元年十一月辛酉月食 宋志不載

三年 六月戊戌 紀作己亥

四年九月乙亥月食 宋志不載

五年 八月己巳月食 八當作閏

七年正月 辛卯月食 宋志作壬辰

八年正月丙戌月食 宋志作二月譌

大安 三年正月乙酉 酉下當加朔

崇慶元年 當作至甯元年 紀

貞祐 三年七月 己卯月入畢 紀作戊寅 宋志作

辛卯譌

天有流星 天字當削

興定 二年 其先如塔狀 先北作光是



十月庚申 紀作癸亥

十一月壬子月食既 一當作二宋志

三年 十一月乙巳月食 乙巳當作丙午 案志中月

食不同有在十五日者天德三年二月丙辰貞元二年十一月甲子正隆五年正月甲

午六年七月乙酉大定四年十一月丙申十六年三月甲

庚申九月丁巳十九年正月甲戌二十三年五月己卯

明昌元年六月丁酉十二月乙未二年六月壬辰四年

九月戊申承安元年八月壬戌二年二月己未三年七

月庚戌泰和元年十一月辛酉三年二月癸未五年三

月壬申閏八月乙巳七年正月辛卯七月戊子大安元

年六月丁丑十月乙亥貞祐二年二月庚戌八月丁未

興定元年十二月戊午二年六月乙卯四年五月甲辰

元光元年三月在十六日者天會十一年十二月丙戌十

月癸未是也

十二月庚午二年三月己巳大定二十九年十二月辛

丑明昌三年四月丁巳五年十月癸卯承安三年正月

甲寅五年五月庚午泰和二年五月己未四年九月乙

亥八年正月丙戌貞祐四年二月己亥興定三年五月

庚戌在十四日者正隆三年二月乙巳大定二十二年

是也

祐三年八月辛丑四年閏七月乙未興定二年十一月壬子是也

此日據宋志作丙午

上溯癸巳朔亦當為十四日若作乙巳則十三日矣有

是理哉

六年 四月癸亥月食 四當作三宋志

正大 三年十一月 癸酉五星並見於西南 宋理紀

天文志寶慶二年皆不載楊雲翼傳有五星聚井辨一

篇卽此

凡四十有八日 案自閏九月二日至十月一日止三十



日耳

哀宗曰 哀北作京非

卷二十一

曆志上

序 司天楊級始造大明曆 案自遼統和以後中曆金

源下及元至元以前北中沿用祖冲之大明曆然大明

其號非其術也級法當起演紀上元庚寅距今天會五

年丁未三億八千三百七十六萬八千六百五十七年

直齋書錄解題云金大明曆一卷大定十三年所為積

年三億以上其拙可知是也

案大定十三年乃指趙知微重修之年非謂級造曆

在大定也

因宋紀元曆而增損之也 宋徽紀崇甯五年五月丁未

頒紀元曆遼曆志閏攷乾統六年宋用紀元曆玉海崇

甯二年命姚舜輔等復造新曆視崇天減六十七刻元

曆志序許衡等以謂金雖改曆止以宋紀元曆微加增

損實未嘗測驗於天李謙歷議以大衍宣明紀元統天

大明授時六曆攷驗冬至日刻疏密四十九事紀元大

明所定冬至甲子無不同者惟陳太建丁酉略差耳

乃命司天監趙知微重修大明曆十一年曆成 十一當

作二十 案元李謙歷議所校冬至刻法如承安二年



之甲辰泰和三年之乙亥正大七年之丁酉大明仍屬  
後天則趙術亦非密合

明昌初司天又改進親歷 明昌初當作泰和中 親當  
作新

事遂寢 案張行簡傳泰和六年祕書監進太乙新歷詔  
校之楊雲翼傳司天有以太乙新歷上進者摘其不合  
者二十餘條序略去

步氣朔 紀元同

演紀上元甲子距今大定庚子<sup>二十</sup>八千八百六十三萬  
九千六百五十六年 此趙知微重修歷元也乃就楊

級所定歷元斷取近距之元用之以省布算之繁其實  
與級歷無異也元歷志六百五十六作七百五十七乃  
距至元辛巳之積年故較多一百一年非有誤也

日法五千二百三十分 金水歷度法同

歲實 紀元作暮實金水歷率同

通餘 紀元無而用大衍法中盈分數三一八五五以一  
二乘之即與通餘合猶之以一二除通餘亦與中盈分  
合也

朔實 紀元同

通閏 紀元作歲閏見步發斂下金源百二十年凡四十



四閏每章得七閏弱

歲策 紀元作歲周

朔策 紀元同五禮通攷云強於崇天弱於正光

氣策 紀元同

六十秒 十下當加六

望策 紀元同步交會交望同

四十五秒 當作五十

象策 紀元作弦策步月離象策同紀元中盈分列此下

二分 二當作一

二十二秒半 當作二十五

沒限 紀元同 六十

三十秒 十下當加四

朔虛分 紀元同

旬周 紀元同

紀法六十 紀元同

秒母九十 紀元無

步卦候 紀元作步發斂

候策五 紀元同

卦策六 紀元同

貞法三 紀元作土王策紀元此下有歲閏卽上通閏又



有月閏卽十二歲閏也惟閏限大明無此法攷紀元閏限以月閏減朔實得數則以十二除通閏卽得月閏以減朔實亦得數爲大明閏限也

辰法二千六百一十 十下當加五 紀元作六日此卽半日法步暑漏半法同

半辰法 紀元作十二日

刻法 紀元作十日

辰刻八 紀元作四乘半辰法見步暑漏

半辰刻四 紀元作二乘半辰法

杪母一百 紀元 六十

二十四氣卦候 紀元同本大衍法宋應天曆同

小暑至 北作麥秋至 案大衍作小暑庚午元曆同

步日躔 紀元同

周天分 紀元同五禮通攷云強於明天弱於乾道

歲差 紀元同五禮通攷云七十五六年而差一度

杪母一萬 紀元一百

周天度 紀元同

象限 紀元同紀元此下有乘法除法二則與崇天曆同

二十四氣日積度及盈縮 紀元無本應天法

大寒 盈一萬二千九百二十九 二十元作七十是



驚蟄 益七百三十七 三十七元作三十九是

盈二萬三千二百一十六 一元作七是

清明 盈二萬三千七百七十六 七百元作二百是

立秋 末一百八十六二十六二十六 二十元皆作一

十

白露 縮二萬三千三百七十六 三百元作二百是

霜降 損三千四百五 五下當加十三

立冬 縮一萬口千六百九十九 空格元有七字是

小雪 縮一萬一千九百 當作一萬二千九百七十九

二十四氣中積及朧朧 紀元同

立春 益一百二十五 二元當作三

穀雨 損一百二十五 二元作三是

小暑 分經 四千三百四十六 四十六元作九十四六十

益二百二十二 二十當作三十

大暑 分經 一百三十 一元作三是

立秋 分約 一十七 一元作二是

霜降 分經 一千九百三十三五 五元作十二

為每日盈縮朧積 朧上已加朧

赤道宿度 紀元同

右北方七宿九十四度杪六十八 六十八紀元作七十



二

胃十五度 度下當加半

右東方七宿七十九度 此行之後當加六十一字云諸  
歷赤道宿次就立全度頗失真數今依宋朝渾儀校測  
距度分定太半少歷為常數校之天道最為密近如攷  
唐用唐所測攷古用古所測即各得當時宿度 案赤  
道宿度文後必有總結數語如下文黃道宿度後即有  
前黃道云云一段此歷例也本志脫刊今從紀元文中  
采補若據文內有宋朝字疑為大明原文此說未是蓋  
宋字乃本字之誤刊然在紀元固非在此志適合也

命起赤道虛宿七度 庚午元歷作六度

右北方七宿九十四度 紀元作九三太

右西方七宿八十二度太 紀元作八十四

鬼二十度半 十字當削

右南方七宿一百九度少 紀元無少

然可步曜 然下當加後 案此本大衍原文觀天歷亦  
有之

知其所在 此下當加如徑求七曜所在置所在積度以

前道宿積度減之為所在黃道宿度及分志例

注餘依術算 依北作以



太陽黃道十二次入宮宿度 紀元無本觀天法

步晷漏 紀元同

中限 紀元作二至限紀元此下有象限象度二法

冬至初限 紀元同

夏至初限 紀元同

地中晷景 紀元岳臺同庚午元歷作永安即中都

周法 紀元無

內外法 紀元無

半法 紀元無

日法四分之三三千九百二十二半日法四分之一一千

二百七半 二十六字當作小字注入半法二千六百

一十五文下

昏明分 紀元同

昏明刻二刻 紀元作兩昏明分紀元此下有辰刻八半

辰刻二法

餘其入末限也 其當作爲

二十四氣陟降及日出分 紀元無

大暑 末一 一元作二是

秋分 日出 十六 元作九十六是

小雪 日出 七十一 一元作九是



二分前後陟降率 紀元無

十五日陟一 元一下注一字 陟一當作陟四

如出分四之一已下 出分當作日法 庚午元歷

餘為內分 內北作外非已改

即得逐更及明中 明元北並作門非 中下已加星

卷二十二

歷志下

步月離 紀元同

轉中分 中當作終 紀元作轉周分

秒六千六十六 千元作十非

轉終日 紀元作轉周日 十四 二百天計三百日

轉中日 紀元同 四十元計三十日

朔差一日 紀元同 紀元此下有望策 計二百日

象策 紀元作弦策

杪母 紀元同

上弦 紀元同

望 紀元同

下弦 紀元同

月平行度 紀元同

分杪母 紀元同



七月初數 紀元同

十四日初數 紀元同

二十一日初數 紀元同

二十八日初數 紀元同

轉定分及積度朧朧率 紀元同本應天曆

十七日 一千一百三十六 一百元作二百是

十八日 一千一百五十八 一百元作二百是

十九日 一千一百八十一 一百元作二百是

二百四十六度 四十元作三十是

二十三日 一千二百八十四 二百元作三百是

二十六日 朧一千二百一十四 一十元作二十是

凡月行所交注立夏後青道半交在立春之宿 立夏上

當加立冬

又注異如黃道赤道相交 異當作正

步交會 紀元同

交終分 紀元同

交終日 紀元同

交中日 紀元同

交朔日二 紀元同

交望日 紀元同



秒母 紀元同紀元此下有交率交數二法

交終二百六十三度七千九分三十六秒 二當作三

交中 紀元同

交象 紀元同

半交象 紀元同

日蝕既前限 紀元作陽歷限

日蝕既後限 紀元作陰歷限

月食限 紀元同

月食既 紀元同

分秒母 紀元同

置定朔望加時入交汎日注每日夜準此求 當作每日

夜半準此求之 庚午元歷

以所入氣日積益率 積當作損

即為食甚日行積度及分 此下當加注先以食甚中積

經分為約分然後加減之餘類此者依而求之 據庚午元歷

求日食為交前後定分 為當作去

氣刻一差定數 一元作二是

滿定用分西一 西當作而

步五星 紀元同

木星周率 紀元同下四星同紀元此下有周差下火土



同

曆率 紀元同下同

曆度法 紀元無下同

周日 紀元同下並同

曆度 紀元同下並同

曆中 紀元同下並同

曆策 紀元同下並同

伏見 紀元同下並同

火星 夕伏 四十一度 一元作八

策數一 益一千一百率 率元作六十是

策數九 二十五度 七十 七十下元有六

土星 晨退 空度 二十二 元作二十八

金星 合日 紀元同下水星同

水星 晨伏夕見 紀元同

夕伏晨見 紀元同

順加退減太陽盈縮差 順下北有在非

順在盈歷 北無順在二字非

注其順退所在盈縮 順北作顯非

元祐時尚書右丞蘇頌與昭文館沈括奉勅詳定渾儀法  
要 案沈括上渾儀議在熙甯七年不與蘇頌同時  
攷異



云 曲洧舊聞元祐四年三月己卯銅渾儀成蓋蘇子容所造也子容因其家所藏小樣而悟於心常恨未究算法欲造其器而不果晚年爲大宗伯於令史中得人深通算法乃授其數令布算參攷古人尤得其妙凡數年而器成大如人體人居其中有如籌象因星鑿竅依竅加星以備激輪旋轉之勢中星昏曉應時皆見於竅中星官厯翁聚觀駭歎蓋古未嘗有也子容又圖其形制著爲成書上之詔藏於祕閣紹聖初蔡卞以其出於元祐議欲毀之晁美叔力爭求林子中爲助得不廢設十字水趺 趺北作跌非

始於韓張衡 韓元作漢是

卷二十三

五行志

序 猶有星埜之說 有北作在非 埜當作野

覺而太戚 太元作大是

幹帶伐高麗 帶已作賽元作塞

丁未上候遼軍還至孰結灤 丁上當加十二月 紀

天會 十年 十下當加一 紀

十三年五月 五已作四與紀合

三月辛丑大雪 此下當加七月北京廣甯蝗陝西饑 紀



燕西東二京 二當作三

三年陝西旱 案志不書時月熙紀不載而文下書五月

貢瑞麥明年正月進嘉禾紀並同則陝西字似譌

五月丁巳 巳下當加朔紀

十月甲辰地震 地上當加河朔紀

進三角牛 牛已作羊與紀合

貞元二年五月癸丑 二當作三紀

三年十二月己丑 三年當削

海陵問司天馬貴中等曰至則有烈風及物之災 五十

八字當削 案文與馬貴中傳複

海陵下詔南征 此下當加時有童謠云正軍三匹馬簽

軍兩量鞋郎主向南去趙老送鐙臺煬王江上錄

三年二月丙申 二當作三紀

八路蝗 此下當加五月乙卯中都蝗紀

是歲有年 有上當加大

六月甲辰 六月巳削

七月戊申又震 申下當加朔 震下當加十月丁丑朔

又震

宛平張孝善有子曰合得 癸辛雜識別集大定中宛平

張孝男假尸還魂引實錄云卽此



大甯宮門火 大當作太

四月庚子亦如之 此下當加癸丑地生白毛紀

進嘉禾二本 此下當加六莖紀

京師地微震 微字當削紀

六月曹州河溢 六月當削 溢下當加十月辛丑沁州

丹州進嘉禾

二月地生白毛 月下當加癸丑

命有司祈晴 此上當加癸未

邢洛深冀 洛已作沼

六年八月 六年已削

鰲跌 跌元作跌是

泰和二年八月丙申磁州武安縣鼓山石聖臺有大鳥十  
集於臺上 癸辛雜識別集引續夷堅志鳳皇見云金  
泰和四年六月磁州武安縣南鼓山北石聖臺鳳皇見  
鳳從東南來衆鳥周圍之大者近內小者在外以萬萬  
計地在屯區邨邨民懼爲官司所擾謀逐去驅牛數十  
頭擊柝從之未至二里卽有鷺鳥振翼而起翼長丈餘  
下擊二水牯肉盡見骨水牯卽死於是衆始報官鳳皇  
高丈餘尾作鯉魚狀而色殷九子差小翼其傍鳳爲日  
景所照則有二大鳥更送盤旋庇廕之至日入則下留



三日乃從西北摩空而上縣中三日無鳥雀鳳去後人  
視其處有鯉魚重五六十斤者食餘尚有數頭臺傍禽  
鳥糞兩溝皆滿小禽不敢飛動餓死者不可勝計邨民  
疑臺下有異私掘之三尺餘石罅中直插金劍一取不  
能盡擊折得其半以火煨欲分之劍見火化金蟬散飛  
而去 案文與史志小異又年月不同故錄

十一月丁卯陰木冰 丁卯當作癸酉 紀

凡三日 此下當加十二月己丑朔新平等縣好妨蟲生

紀

五年夏旱 案紀無文

八年四月甲午 四當作閏 紀

六月戊子 月北作子非

大安元年徐沛界黃河清 案衛王紀在二年與此不合

第紀文爲玉鶚采摭者不足據

吹清夷門關折 清夷已改通元

二月戊午 二元作三是

宰相皆非其言 言元作才

時斗米有至萬二千者 千下北有錢是

宣宗貞祐元年 當別提行

團團冬 團北作戀非當作團



冬黃河自陝州界至衛州八柳樹清十餘日 案是年為  
貞祐二年甲戌進金史表世皇毓聖質於乙亥蚤一歲  
而黃河清指此

三年二月戊午 二已改三

五月河南大蝗 五當作四 紀

四年正月戊辰 案紀興定四年正月壬辰朔無戊辰當  
為戊戌甲辰戊申之譌

五年三月以久旱 三當作二 紀

二月雷而雪 而當作雨 紀

鈞州陽邑盧氏 邑當作翟

五月大寒如冬 月下當加辛卯  
閏八月己未有箭射入宮中 八當作九 此十一字當  
改入下蒲乃速震死文下  
國家將瓦解矣 此下當加三年正月己酉京索之間雨  
血十餘里是日也 案此從天文志改出無庸再錄因  
上下文須有加字故補

卷二十四

地理志上

序 越鹽川堡 川北作州非

建五京 上京路會甯東京路遼陽北京路  
大定西京路大同南京路開封

案攷異引大



金國志云京都六留守司五上等二處中等四處既云  
五留守安得有六處耶不知中都大興自屬總管府故  
直云建五京 又此文與攷異殊有不合處非敢立異  
本無事於操戈不欲苟同或難逃於撼樹平心論之但  
求公是爾

置十四總管府

威平路威平中都路大興河北東路河間  
河北西路真定山東東路益都山東西路  
東平大名路大名河東北路太原河東南路平陽京兆  
路京兆鳳翔路鳳翔鄜延路延安慶原路慶陽臨洮路  
臨洮

案官志云大興府尹兼領本路兵馬都總管車駕  
巡幸則置留守可知總管其常留守其暫置也

是為十九路 案攷異引國志十四總管有臨潢無大興

以為多臨潢一路可合二十之數非也史志止十九路  
臨潢即北京自與大定府同為一路此志據大定後已  
罷路降總管而為散府矣俗本於二十路中復有熙河  
秦鳳等字尤謬

散府九

北京路廣甯府興中府臨潢府南京路歸德府河  
南府河北西路彰德府山東東路濟南府河東南  
路河中府鳳翔路平涼府

案攷異引國志散府八處史云九者并  
臨潢數之此說是也 又志文中山府亦稱定州而復

府無年可攷未免疑節鎮為散府第國志選志皆言定  
州志文似謬

節鎮三十六

隆州利涉蓋州奉國義州崇義錦州臨海瑞  
州歸德懿州甯昌全州磐安興州甯朔泰州



德昌豐州天德撫州鎮甯奉聖州武定朔州順義應州  
彰國蔚州忠順雲內州開遠平州興平雄州永定保州  
順天鄧州武勝許州昌武蔡州鎮南冀州安武滄州橫  
海邢州安國定州定武衛州河平密州安化來州定海  
徐州武甯充州泰定汾州汾陽代州震武嵐州鎮西絳  
州絳陽潞州昭義懷州沁南同州定國鄜州保大邠州  
靖難涇州彰 當作四十二 案本志各路下凡四十  
化鞏州通遠

二州而圖經國志皆言三十九與選志節鎮學合蓋彼  
据大定之制此則以泰和末為斷故多金興蔡三州序  
作三十六不合

防禦郡二十二 肇陝毫陳壽鄭穎宿泗清洛 當作二十  
濬沂棣博德孟華秦隴河

一 案路下州數與國志同惟蔡當作壽與選志同蓋  
壽乃是衛耳序作二十二不合

刺史郡七十三 信韓澄潘貴德復利建慶宏淨桓昌宣德  
武甯邊東勝通薊易涿順灤霸安肅

單唐裕嵩汝息蠡莫獻深景成沃磁祁滑濰濱海淄登  
濟邳曹恩濮開忻石管隰吉解澤遼沁商號乾耀德順  
丹坊環甯 當作七十六 案路下州數七十六止多  
原洮蘭會

昌息裕三州耳國志有撫遂壽三州而無恒昌息裕四  
州作七十三非也

軍十有六 來遠鈞莒甯海滕泰安平定葭隕甯 國志同  
化崑嵐保德鎮戎保安綏德積石

十六軍大定二十二年皆升為州

縣六百三十二 當作六百三十九 案國志併作六百

八十三第攷本志上京六咸平十東京十七北京西十

二西京四十一 本四十改 中都四十九南京一百五十一



百八削 河北東路三十河北西路六十本六十一 山東

東路五十一本五十三 山東西路三十七大名路十九

本二十一 河東北路三十八本三十九 河東南路六十五

本六十九 京兆三十七本三十六 鳳翔三十三鄜延十

六慶原十九臨洮十五統校多七縣

是以金之京府州凡百七十九 當作一百八十三 案

攷異引國志數合以為足訂史誤未必然也

縣加於舊五十一 案太祖一涿州之太宗二肇州之始

陽熙宗十一濟州之利涉咸平之新興清安遼陽之宜

臨漢之長甯豐潘州之章義遼濱雙城復州之化成大

定之武平三韓遼陽之曲江宜春海陵不詳世宗十五淨州之天山撫州

之柔遠大興之寶坻薊州之永濟涿州之定興霸州之

信安保州之滿城安州之葛城唐州之桐柏獻州之交

河保德之保德保安其章宗二十二咸平之玉山蓋州之

甯之望平全州之安豐大定之靜封臨潢之盧川甯塞

興州之宜興撫州之集甯豐利威甯宣德之宣平桓州

之清塞雲內之雲川涿州之奉先平州之撫甯安州之

涿城清州之靖海濱州之利津真定之阜平太原之徐

溝 衛王不詳統校得五十一縣合

雖真祐興定危亡之所廢置 案宣宗朝各路州升防禦

為節鎮者八毫宿解澤升刺史為防禦者六通汝苛嵐

順升縣為府一霸州信安升縣為州二十八石城巖州

懷仁雲州馬邑固州山陰忠州渾源渾源州靈邱成州

定安定安州延津延州孟津洵州永成永州獲鹿鎮甯

州林慮林州永平完州蘇門輝州孟縣孟州樂平阜州

五臺臺州繁峙堅州霍邑霍州翼城翼州涉縣崇州沁



源穀州韓城州蓋恒州西甯升寨為州一西張寨  
西甯州定西定西州南陽申州為晉州  
升鎮為縣三厥涸鎮升永固縣桃園鎮升降州為縣一  
莫州降州為升州為府一絳州升皆入注中至衛王大安景  
鄭亭縣州為崇慶升鎮州間事亦皆不改正文因志例以泰和  
為斷也 又志文南陽下遺云申州及鎮平縣加太原  
下誤書晉州去改又睢州有儀封縣鞏州升鞏昌府皆在  
正大間沛縣改源州在天興間志並無文補入又耀州下  
失載富平縣補入  
其所不載則闕之 案此志當引元和郡縣志太平寰宇  
記校之第不若宋歐陽忞輿地廣記沿革尤為切近

上京路 國朝張賁白雲集東京記云甯公臺西南六十  
里曰沙嶺嶺東十餘里有古城焉土人相傳曰東京蓋  
金祖故都也道中遠望其上常有雲氣變幻如樓臺宮  
闕狀稍近之鬱鬱葱葱又如煙井廬舍萬家屯聚即而  
視之無有也故城甃石為基土墉高丈許無復雉堞頽  
然短垣也圍環可三十里城門石路車轍宛然南門內  
故址似宮殿三重前一重規模宏敞礎方廣三尺餘計  
一十有六後二重無存焉殿南向正中無馳道東西二  
闕門階墀陞城層級可辨前列五臺今高二丈許似京  
師鳳闕遺制後別有小城似宮禁左右石井二白石甃



砌八角形明堂以外九陌三衢依稀可識旁石壘如部落軍伍所舍或官署環列如拱故內今宮室無存敗瓦亂積在榛莽中時有丹碧琉璃錯出間雜存漢字款識土人取以爲玩掘地得斷碑有下瞰臺城儒生盛於東觀十字皆漢文字畫莊楷蓋國學碑也想像當時建國荒漠重學崇儒如是城外大河繞城而東有圯橋亂石橫亘水中城南有古寺鏤石爲大佛高丈有六尺風雨侵蝕苔蘚斑然而法相莊嚴鏤鑿工巧今墮其首好事者裝而復之前有石浮屠八角形郭外平曠數十里其西七八里許有石磧數區各周環三四里似屯兵芻牧

之所旁有古墓石方丈者數版掘地得石獸白如玉西南十餘里有長溪芰荷菱芡產焉夏秋之交芙蓉紅敷數十里燦若雲錦翠鳥野鳧迴翔上下土人盪小舟採蓮浮游如畫緣溪而上三四十里瀑布土人曰水海水聲砰訇聞數里不知源所自出也余攷金史云以遼陽爲東京又云五國城去遼東北千里爲黃龍府甯江州諸處金祖所發迹故址無存焉此地或言朝鮮故都或言金元分封處無有辨者而土人指爲東京大率金祖起家在焉因表爲京其以遼陽爲東京之說誤也今其地往往獲古錢皆徽欽間製其爲金人故跡無疑也蓋



松花江以東風土形勝之美莫若東京云 柳邊紀略  
甯古塔西南六十里沙闌南有舊城址天東小記作火  
茸城大與今京城等內紫禁城石砌女牆下猶完好內  
外階道隱然瓦礫徧地多金碧色土人呼爲東京中原  
流寓者都指爲金之上京故盛京志作金上京恐未是  
案金之上京當在甯古塔之西混同江之東以今道里  
計之應在色出窩稽左右而色出窩稽嶺上土城今人  
指爲金之關門安知非是然則沙闌之金碧猶存者其  
殆熙宗天眷以後之北京矣 案金人以東沫江北爲  
上京江南爲東京其始稱南京者在上京之南也後稱

東京者在諸京之東也歷元及明上京之名漸泯槩指  
爲東京而已不足辨也盛京志以沙闌爲上京無可疑  
者紀略疑沙闌爲天眷後之北京竟作臨潢府非也

海陵貞祐二年 祐已作元

防禦一 此下當加刺郡一 攷異云

鎮二 二北作一非

契丹之周特成也 成已作城

注天眷元年安太祖以下御容 元已作二

注太廟社稷皇統三年建 案熙紀皇統八年閏八月丙

寅太廟成



會甯府 案二字當取天會甯江之義志中書四至者會

甯府恤品路慶州三至者蒲與路泰州二至者合懶路

胡里改路一至者淨州桓州集甯縣也

肇州 遂建為州 此下當加十三年置錢帛司

五年置漕運司 見烏古論仲溫傳

後廢軍 案此廢即在承安末泰和初故仍書防禦不與

全興蔡三州同例

貞祐二年復陞為武興軍節鎮置招討司 見紇石烈德

烏古論德升傳

縣一 此下當加注天德二年降長春州為縣來屬承安

三年罷

注有鴨子河 撤改傳破遼師於此紇石烈德傳去州五

里

隆州 遂名黃龍府 許亢宗奉使行程錄黃龍府為契

丹東塞南有勃海北有鐵離吐渾東南有高麗靺鞨東

有女真室韋東北有烏舍西北有契丹回紇党項西南

有奚 案此說亦大槩言之

嫌與山東路濟州同 案此濟字去聲山東之濟上聲音

雖異字畫則同也

陞為隆安府 亦作龍安見蒲察移刺都傳中州集五卷



馮延登有道中詩

蒲與路 卽扶餘之譌

合懶路 卽元合蘭府

注有移鹿古水 見五行志

押懶猛安 案事見習室傳作耶懶猛安志無耶懶路卽

西京耶刺乳

注耶懶又書作押懶 七字當削

曷蘇館路 徙治甯州 甯上當加會

胡里改路 卽元萬戶府明都司今甯古塔地

咸平府 縣八 案元地志云金咸平府領平郭安東新

興慶雲清安歸仁六縣兵亂皆廢元初因之其安東或

卽銅山而榮安玉山兩縣不詳沿革

新興注有范河 有上巳加南

慶雲注建檀州密雲後更名 北無檀字非 名下當加

金因之

韓州 本渤海鄭頡府 鄭已改鄭與遼志合

柳河 見世宗紀大定十年五月

注有拘河 拘元作狗

東京路府一 元無府一二字 大金集禮二十一卷東

京大清安寺貞懿皇后功德碑



刺郡四 四當作五 攷異云

縣十七 案數本十九縣以雙城秀巖二縣已廢不在內

遼陽府 府曰遼陽 四字當改入下更為東京文下

注後置兵馬都部署司天德二年改為本路都總管府後

更置留守司 二十六小字當升作大字接入以鎮高

麗文下 後仿此

遼陽注東梁河國名兀魯忽必刺俗名太子河 案必刺

乃金人河稱下埧樓注清河國名叩隈必刺長泰注龍

駒河國言喝必刺撫州梅堅必刺 興州作梅堅河蒲查傳同 王敦必

刺推此西京詳穩之撒合輦必刺及承德傳把魯古必

刺永成傳益買必刺永升傳按出虎必刺徒單鎰傳蒲

魯吉必刺完顏伯嘉傳譚魯古必刺僕散端傳火魯虎

必刺完顏仲元傳洮委必刺完顏蒲刺都傳按出虎必

刺罕完顏阿里不孫傳泰申必刺烏林苔與傳納鄰必

刺 烏林苔暉傳 章后 完顏合達傳吾改必刺凡屬猛安謀克

者皆是又徒單貞傳忒黑闐刺 傳同 闐即必聲之轉至

歡都傳有鼈刺水殆自為水名耳此稱與阿鄰山也義

同國語解失載

石城 此下當加注遼開州開遠縣某年更名 案注不

載始置似仍遼舊遼志東京道遼陽府開州文云唐薛



仁貴征高麗與其大將温沙門戰於熊山擒善射者於石城卽此統縣一開遠本柵城地柵卽石字音轉當取此爲注

澄州 本遼海軍 軍已改州與遼志合

析木注遼銅州 銅北作同非已改

瀋州 後爲昭德軍置節度 後當作金 度下當加後更爲顯德軍 案昭德爲太祖謚號又爲世宗后廟號皆當避者紇石烈桓端傳稱顯德軍節度元地志瀋陽路金爲昭德更爲顯德是也世宗紀大定元年盧萬家奴稱顯德軍係是追改又桓端傳稱節度則明昌改刺

後貞祐當復升志略

與通貴德澄三州 通州沿革未詳 宣統三年改爲通縣五 五當作四 四下當加注舊有雙城縣遼雙州保

安軍也皇統三年降爲縣章宗時廢

堽樓注遼舊興州興中軍常安縣 興中當作中興

案常安縣名見世宗紀遼志無此縣

雙城 正文及注大小二十字並當削 案此志斷以泰

和則廢縣不得大書列名上文路下總數已削此縣故

依廣甯懿州等舊縣例移注上文爲合

貴德州 奉集注懷遠軍 遠遼志作衆



蓋州 本高麗蓋葛牟城 遼志無葛字

以與陳同音 陳下當加州

縣四 四當作三 三下當加注建安縣大甯鎮明昌四

年陞為秀巖縣泰和四年廢貞祐四年復置

秀巖 正文及注大小二十五字並當削 案建安縣下

已云鎮一大甯則秀巖縣必不應重列移注上文為合

復州 遼懷遠軍節度 遠遼志作德

降為刺史 此下當加注有合廝罕關 見齊傳

化成注遼蘇州安復軍 北盟會編宣和二年趙良嗣使

金四月抵蘇州關下即此蘇州

注降為縣 此下當加更今名

來遠州下 此下當加刺史

舊來遠城 遼兵衛志邊戍來遠城宣義軍營入即此

升為軍 案官志總管府云惟婆速路同知都總管兼來

遠軍事志略

後升為州 北無升字非

婆速府路 元志婆娑府

北京路 領節鎮七刺郡三 案攷異云當作節鎮八刺

郡二未是義錦瑞懿全興泰為七鎮利建慶為三刺無

可疑



堡五十六 四字元本無

大定府 遼中京 中京當削

大定注七金山 遼兵衛志統和二十三年城七金山建

大定府游幸表清甯十年九月幸七金山

富庶注有沁河 沁元作心

松山注遼松山州 遼志作松江州非

神山注遼太祖俘蔚州之名置 名當作民遼志 置下當

加皇統三年廢州來屬

承安二年嘗置惠州 案章宗升縣為州以旋廢不書者

凡四如此與三韓之高州宜民之川州寶坻之盈州皆

入注

三韓注泰和四年廢 案元太祖紀九年甲戌貞祐二年高州

盧瑞金朴降則高州後當復置志略

利州 遼統和十六年置 遼志作二十六年

義州 遼宜州天德三年更州名 金石後錄宜州廳峪

道院復藏千人邑紀皇統八年七月立

錦州 遼載云大廣濟寺在城內金高璉有記

瑞州 本來州 本下當加遼 遼志時以女直五部來

歸故云

瑞安注唐來遠縣地 地北作也非



海陽 遼志作海濱非攷異云

海濱 遼志作海陽非同上

注海平軍 遼志作平海

廣甯府 鎮甯軍節度使 六字當削

縣三注舊有奉元縣 元當作先遼志

注改爲鍾秀縣 案官志公主縣號有鐘秀元志廣甯府

望平縣云至元六年省鍾秀入焉文此下失載何年廢

何年復置

注鎮六寨四 四小字當空一格升作大字

鎮二注歡城遼西 正文及注大小六字當改入下廣甯

注文下

鎮寨二 鎮字當削

注兔兒窩 案圖經沙河至兔兒塢口口里兔兒塢至梁

魚務三十五里

望平 鎮一 一當作二

閭陽 鎮一 一當作二

寨二注大斧山 官志大定二十二年置巡檢司

懿州 案遼志有二懿州此乃隸東京道爲越國公主所

置非上京道者志略

興中府 重熙十一年 遼志作十年



興中注本唐柳城地 遼志作漢柳城

興城注隸錦州 案文脫載來屬年月

注有桃花島 圖經揚州館至桃花島四十里桃花島至

童家莊四十里

宜民注嘗名白川州天祿五年去白字 案文五年未是

辨見潛研堂金石文跋尾

建州 永霸 遼志作永康

全州 盤安軍節度使 盤當作磐 案遼志東京道淶

州下豐州渤海置磐安郡故縣四一安豐名取此

黑河鋪 鋪北作舖

嘗僑置於薊州 薊當作平 案合達傳貞祐二年臨潢

避遷與全慶兩州之民共壁平州此即僑置也臨潢平

州同薊州無文

安豐注承元元年十月改豐州鋪為安豐縣 承元元作

承安是 鋪北作舖

注三年置全州盤安軍節度使治 三元作二是 盤元

作磐是

臨潢府下總管府地名西樓遼為上京國初因稱之 二

十字當改作臨潢府散下地名西樓遼為上京國初因

置總管府 案國志誤以此府為總管遂致上疑大興



爲留守下疑定州爲中山散府左右牽配不合不知此  
目屬散府與廣甯興中同惟官志注仍作總管乃舊制  
非泰和時

大定後 定當作安

注有撒里乃地 有當作卽

注皇統九年嘗避暑於此 案熙紀無文

注有合鼻追古思阿不漠合沙地 有當作卽

長泰注有撒里葛觀地 有當作卽

慶州 有祖州 祖上當加遼

遼太宗穆宗懷陵北山有遼聖宗興宗道宗慶陵 案以

下句北山有云云例之遼太宗上必有脫文 拙軒集

慶州北山之麓遼山陵在焉俗謂之三殿三十年前嘗  
爲盜發所得不貴是所謂厚葬以致寇者歎而成詩云  
珠襦適足賈身禍金盃傳聞出世間慙愧漢文遺治命  
瓦棺深葬霸陵山

北至界二十里南至盧川一百二十西至桓州九百東至  
臨潢一百六十 二十八字當降作小注 九百當作  
九十

興州 本遼北安州興化軍興化縣 遼志無興化縣  
三猛安隸焉 此下當加泰和四年廢



縣二注又有利民縣承安五年以利民寨升泰和四年廢

十九字當削

興化注承安五年 丞元作承是

泰州昌德軍節度使 昌德當作德昌 遼志及諸傳

本契丹二十部族牧地 太祖紀天輔五年命分諸路猛

安謀克民萬戶屯泰州以婆盧火統之即此 食志本傳同

隸上京 此下當加東北路招討司 案兵志自烏古迪

列移置者

以舊泰州為金安縣隸焉 案婁室宗雄等傳皆云金山

縣兵志亦云分司金山 焉下當加後廢

北至邊四百里南至懿州八百里東至肇州三百五十里

二十二字當降作小注

縣一注舊有金安縣承安三年置尋廢 丞元作承是

十二字當削

邊堡 堡置戶二十 二當作三

西京路府二領節鎮七刺郡八 二當作一 案此路府

州止十六與上數不合攷異云刺郡當作七則節鎮仍

作八矣非也惟改德興府為節度改桓州節度為刺史

則合

縣四十一 十下當加一



注天會三年建太祖原廟 九字當改入上大定五年文  
上

大同府注地簞 簞元作蕈是 天下金石志玉珙後宮  
山寺碑在大同山陰縣又邊元忠墓碑大同府

大同注金因之 金北作今非

注平城 平北作干非

注如渾水 學古錄興雲橋記云按舊記大同名平城如  
渾之水循其城東而南行亦名曰御河朝會轉輸東趨  
京師必踰此自元魏至於唐河流分合不同歲久沿革  
不能詳焉 案宇文虛中興雲橋記天會十三年邊元

忠興雲橋記大定二十二年並見學古錄

注有遼帝后像在華嚴寺 見世宗紀大定六年

宣甯注大定八年 大北作永非

天城 當作天成 遼志

白登注本名長清 清遼志作青

豐州 居易錄豐州南有空城城中浮圖一六角七級高

臺天半南向篆書顏額曰萬部華嚴經塔第七級壁上

大書金大定二年奉勅重修多金元人題字墨蹟如新

置西北路招討司 北當作南

富民注神山 北無山字非



宏州 □襄陰村 空缺一字元北皆作本

浮州 以天山縣升 縣當作場

天山 注舊為摧場 摧元作摧當作權

桓州 下威遠軍節度使軍兵隸西北路招討司明昌七年

改置刺史 二十六字當改作桓州下刺史國初置威

遠軍節度隸西北路招討司明昌七年改 案遼志無

此州其以節度為國初置者據下昌州降隸文云

縣一 此下當加注舊有建昌縣天輔七年置

注在京陞 京已作涼

注有殿 殿字當削 二十二年並具學古

注皆大定二十年命名 二十年當作八年 紀

注有查沙 查當作查 遼志卷末論查一 遼興錄云

撫州 遼秦國大長公主建為州 案遼公主聖宗第三

女巖母堇封秦晉長公主清甯初加大長公主蕭胡覩

蕭惠二傳皆云尚主不載建州事又地志無撫州若上

涼道頭下軍州徽州宣德軍為景宗女秦晉大長公主

建乃在宜州北二百里北至上京七百里非其地矣

治柔遠 元志興和路金置柔遠鎮後升為縣又升撫州

屬西京是也

宋葛斜忒渾 即温迪罕斡魯補傳宋葛斜斯渾



縣四注有旺國崖 中堂紀事辛酉三月十五日至察罕  
腦兒按地志灤野蓋金人駐夏金蓮涼陘一帶遼人曰

旺國崖

威甯 見元史劉伯林傳

德興府晉新州遼奉聖州武定軍節度國初因之 十九

字當改作奉聖州中武定軍節度使遼改晉新州置國

初因之 案此州若作府名則與提綱總數終不合況

本志以泰和爲斷若大安以後之改更止合附載於後

如觀州仍書景州之例志家未能畫一 德興府元志

作興德府非

縣六 六當作五 案龍門明昌三年割隸宣德州此後

更無來屬之文不當并數

德興注有涿鹿定 定當作淀

縉山注陞爲鎮州 見高琪傳

望雲 見世宗紀大定六年

注本望雲川地 北無望字非

龍門 正文及注大小三十九字並當削

昌州 州下當加下刺史

宣德州 縣二 二當作三

宣平注嘗駐此地也 此後當加龍門并加注晉縣國初



隸宏州後隸奉聖州明昌三年來屬有慶甯宮行宮也  
初名泰和宮泰和二年更今名五年以提舉兼龍門令  
朔州 貞祐三年七月嘗割朔州廣武縣隸代州 十六  
字當削改作晉舊名遼升節度

縣二 二當作三

鄯陽注大和嶺 大北作太是

注霸德山 婁室傳西南二十里築城即此

馬邑注又曰桑乾河 此後當加廣武并加注貞祐三年

七月割隸代州 案志例不合據貞祐事改去一縣故

州下從削縣下從加 又案此太原廣武見漢書地理

志與滎陽廣武不同

應州 彰國軍節度使 此下當加軍兵隸西南路招討

司兵 天下金石志高汝礪墓碑在應州

渾源注貞祐二年 二北作三非

蔚州注貢地簞 簞元作草是

廣靈注遼析靈仙置 案遼志云後唐分興唐縣置即靈

仙也

靈邱注陞為成州 見宣紀貞祐二年十月

雲內州 鎮一注甯仁 仁遼志作人

雲川注本曷董館 案歡都傳阿注阿遼人流之曷董城



甯邊州 國初置鎮西軍 當作遼鎮西軍國初因之  
陞爲防禦 案石倫傳興定間又有同知節度姚里鴉鶻  
則不止防禦志略

東勝州 國初置武興軍 當作遼武興軍國初因之  
有古東勝城 元志張仁愿三受降城東城南直榆林後  
以東城濱河徙置綏遠峯南今東勝州是也案金初屬  
西夏後復取之

烏古里部族節度使 案奧屯襄傳亦作乂詳穩  
羣牧十二處 案兵志天德間五羣牧後增爲九大定置  
七羣牧此乃承安中數

斡獨椀 亦作曷魯椀合魯椀 而曹益謂此宮始有此  
改爲斡覩只 見守能傳

蒲速斡 兵志承安三年改爲板底因遼營衛志興隆曰  
蒲速椀應天后置長春宮

耶魯椀 兵志耶盧椀在武平縣臨潢泰州之境亦作耶  
魯瓦遼營衛志興盛曰耶魯盪世宗置積慶宮

乂斡 亦作迪斡  
歐里本 兵志亦改板底因亦作歐里不

特滿 兵志在撫州見宗亨傳  
蒲鮮 紀作蒲思衍



注承安四年初置 四當作五 紀

中都路 遂改爲中都 張匯金節要云燕山之地易州之西北乃金城關昌平之西乃居庸關景州之東北乃松亭關順州之北乃古北口平州之東乃榆關榆關之東卽金人來路也

刺郡九 案攷異云九當作十非也蓋遂州泰和四年廢爲縣志失改定耳 刺下元有史字

鎮七 元無此二字

注曰彰義 圖經作新益

注曰光泰 案圖經無此門名而曹益甫北宮詩有光泰

門邊避暑宮之句日下舊聞攷云或卽會城崇智之別稱

注前殿曰泰安 泰已作大 北行目錄大安殿十一間中起二樓各五間朵殿各五間行廊各四間東西廊各六十間中起二樓各五間左曰廣祐右曰宏福殿上鋪大花壇中一間又加以佛狸毯主座七寶爲之榻後照屏畫龍頂爲大金龍盤其上餘十間皆結朵頂小栱三層皆以金爲小龍間置其中曲折皆釘以繡額壁柱衣繡幃中各有龍露臺三層兩傍各爲曲水石級十四最上層中間又爲澀道亦覆以壇



注改福壽殿曰壽安宮 此下當加二十九年更仁壽宮  
名隆慶 案移刺履傳移梓宮壽安宮全真教祖碑大  
定二十八年五月邱長春見上於壽安宮秋澗有題榜  
軒壽安宮賦西園詩後跋皆是而攻媿集益公碑云金  
主避暑壽安宮過上京北攷集禮天德二年冊太祖崇  
妃於壽安宮則上京亦有之

注後更爲甯壽 未詳

注又有撒合門 元一統志舊城中東南西北二隅坊門  
之名四十有二西開陽坊南開遠坊北開遠坊清平坊  
美俗坊廣源坊廣樂坊西曲河坊宜中坊南永平坊北

永平坊北揖樓坊南揖樓坊西縣西坊棠蔭坊薊賓坊  
永樂坊西甘泉坊東甘泉坊衣錦坊延慶坊廣陽坊顯  
中坊歸厚坊常甯坊常清坊西孝慈坊東孝慈坊玉田  
坊定功坊辛市坊會仙坊時和坊奉先坊富義坊來遠  
坊通樂坊親仁坊招商坊餘慶坊郁鄰坊通和坊西南  
東北二隅舊坊門之名二十東曲河坊東開陽坊咸甯  
坊東縣西坊石幢前坊銅馬坊南薊甯坊北薊甯坊啄  
木坊康樂坊齊禮坊爲美坊南盧龍坊北盧龍坊安仁  
坊鐵牛坊敬客坊南春臺坊北春臺坊仙露坊 案此  
四隅六十二坊爲金源中都各坊之名 王鶚天長觀



碑文云燕京會仙坊有觀曰天長、甘水仙源錄邱長春居燕有廣陽坊居人貨其居者質之為長春別館。大興府上晉幽州遼會同元年陞為南京府曰幽都仍號盧龍軍開泰元年更為永安析津府天會七年析河北為東西路時屬河北東路貞元元年更今名。六十字當改作大興府上晉幽州遼為析津府天會七年屬河北東路置盧龍軍節度海陵貞元元年改曰永安府二年更今名置府尹兼領本路兵馬都總管都轉運司車駕巡幸則置留守司。案志文顛竄疏漏不可讀析津文上永安二字初疑衍文攷諸他書得數事焉知為海

陵所立府名元好問續夷堅志云海陵天德初當作貞元初又玉堂嘉話燕京展築南城在海陵。卜宅於燕建號中都天德二年見蔡無可大覺寺碑。易析津府曰大興始營造時得古錢地中文曰永安一千朝議以為瑞乃取長安例地名永安改東平中都縣曰汶陽志東平府汶上縣注本河南永安縣曰芝田志河南府芝田縣注宋名中都永安坊曰長甯元一統志舊燕城六十二坊有常甯坊又元耶律楚材庚午元歷步暑漏篇云冬至永安暑漏又世宗紀大定十三年語宰臣曰海陵遷都永安是貞元首改永安確有明據緣海陵此名改止年許而史家於本紀貞元元年漏去此事直書改燕京為中



都府曰大興二年遂無復改之文幸此志刊本顛竄之中尚有未盡抹去之字稍可援據乃悟志文貞元元年更名者永安也大興縣注中貞元二年更名者大興也且其文例全與各京路首府敘述不同尤屬疏率爰疏其沿革並詳官制以攷定其文如此

宛平 天下金石志有戒壇波離尊者碑燕都游覽志同

觀音徙像石刻大定十七年見日下舊聞

安次 定覺寺古營寺團城寺甯國寺大悲禪院等碑見舊聞

寶坻 新建縣記碑劉晞顏撰見舊聞

注陸置盈州 見官志諸巡檢

良鄉注有料石岡 海紀貞元元年封靈應王卽此

薊州 遼志上武軍 上巳作尙與遼志合

注產粟 二字當移注易州戶四萬一千五百七十七文下

注又有永濟縣 至未詳何年廢 二十一字當削

豐潤 潤當作閏 攷異云朱彝尊據清類天文分野之

書洪武元年改閏爲潤今金元史雕本閏旁均著水非也 韓天企碑崇慶二年立見舊聞

注泰和間置 四字當削改作舊永濟務大定二十七年



升爲縣大安初以避諱改今名案以志例泰和爲斷  
此縣泰和時尚名永濟則志中正文仍當標永濟而豐  
閏之名附見注中乃合

平峪 舊聞攷引問奇集云峪讀作裕 張侯建廟學記  
碑見舊聞

涿州 范陽注有湖梁河 湖當作高 後漢將軍清河

張公墓石明昌六年見舊聞

固安 贈儒林郎清河張君墓碑見舊聞

新城 行程錄自雄州過巨馬河三十里到新城縣卽此  
定興 石湖集定興詩注舊黃村新建爲縣并邑未成卽

此又王商勳於軍紀亦謂軍燕山嶺高深天文書云

注有巨馬河未巨北作日非 順州 李暘重修學記泰和元年見舊聞

縣二 二北作一非 密雲注遼檀州 王政傳歷檀州軍事判官

灤州 因置節度使 節度使當作刺史

石城 行程錄自韓城鎮五十里至北界清州州原是石

城縣金國新改爲清州 案志失書升州及改降年月

又是時宋人於玉田縣築一州以通使入之路亦曰清

州

州



雄州 輿地廣記屬河北路

賜名易陽郡 賜當作宋

容城 行程錄舊容城縣附歸信縣寄理自壬寅冬於河

北岸創築新壘卽此

霸州 廣記屬河北東路

遼益津郡 四字當作宋永清軍 案弔伐錄天會四年

十一月宋主與河北河東兩路交地使勅河北路未有

霸州史高彪傳伐宋還屯河朔破敵於霸州宗望傳天

會四年伐宋還命將屯安肅雄霸廣信之境闕母傳同

又玉海境外州軍云永清軍燕山府清類天文書云

政和三年升永清郡靖康初入金天會七年置信安軍

屬河間路貞元二年屬中都方輿紀要云永清縣石晉

沒於契丹周世宗復取之宋初爲霸州景祐二年併入

文安金復置以上厲氏遼史拾遺所引并云永清自周

世宗復取後已入南朝宋史政和三年賜霸州郡名永

清不當存遼志亦一證

孟津注大定三十九年 三元作二是

保州 貞祐二年 祐當作元

縣二 二當作三

滿城注以清苑縣塔院村置 此後當加遂城并加注宋



廣信軍天會七年改遂州置刺史隸河北東路貞元二年改屬中都號龍山郡泰和四年廢爲遂城縣來屬貞祐二年仍置州有光春宮行宮有遂城山易水漕水鮑河

安州 元志保定路新安縣金置新安州渥城縣續夷堅志燕南安州白羊淀南北四十里東西七十里有石刻云天荒地亂莫離此淀有水食魚無水食麪卽此

遂州 正文及注大小八十二字並當削

卷二十五

地里志中

南京路 領節鎮三防禦八刺史郡八 案攷異云防當作七刺當作九說未必然攷鄧許外升蔡州鎮三固是而陝毫陳鄭穎宿泗外升壽州則防當作八睢單唐嵩汝鈞外升息裕二州則刺亦當作八錢氏蓋失檢壽州耳

縣一百八 八當作五 案洧川貞祐年置睢甯興定年置長垣泰和年改屬開州大書列縣例皆不合

鎮九十八 元無此四字

注丹鳳北曰舟橋 舟當作州

注又南有丹墀 又南北作南又非 墀下元有又南曰



沙墀五字是

注次日福甯殿

福甯當作甯福

官志故宮記

注院北曰翠峯

翠上當加涌

注長生西曰浮玉殿

浮北作俘非

注東壽聖宮

東下元有則字是

開封府

提刑司

三字當削

置統軍司

此下當加明昌四年提刑司自許州遷置

縣十五

五當作三

祥符注寒泉河

河廣記作阪疑陂字之譌

泰康

廣記屬拱州

中牟

鎮四注嗣田

嗣當作圃

杞注正隆後更今名

正隆當作大定

案圖經尙稱雍

邱非正隆更名也當是大定十四年後避諱所改

鎮一注圍城

圍北作圍非

鄆陵

鎮一注馬棚橋

棚九域志作欄

尉氏

鎮二注朱家曲宋樓

朱九域志作米樓下當

加注貞祐二年置惠民倉興定二年陞置洧川縣

案本志州縣既斷以泰和則自大安後所廢置者止應附

見本注不合大書列名闌入計數之限攷異云此志數

終不合者如此下大書洧川及泗州大書睢甯之類是



也今俱改訂後仿此

扶溝注有祁耶山洧水白亭 廣記在鄆陵下

陳留注有皇栢山 廣記栢作桓非

延津 廣記為酸棗縣

注貞祐三年七月升為延州 祐北作元非 州下當加

以原武陽武隸焉

元志

洧川 正文及注大小二十五字並當削

長垣 二字當削 案此縣為泰和改屬見大名路開州

此不應複載

封邱 廣記有黑山白溝河封邱臺黃池 元志金大定

中河水淹沒遷治新城案河灌封邱在明昌五年元志  
微譌本志亦失載遷治事

睢州 襄邑注古襄牛地 廣記宋襄陵鄉

考城注宋隸南京 南當作東

注葵邱有黃河 有當改入葵邱文上

注改為通安堡 此下當加注正大中置儀封縣割考城

襄邑東明三縣隸焉以古儀地在此故名 案此据秋

澗集儀封廟學碑補又哀紀天興二年有縣令魏邦彥

柘城注古株林首土地在焉 土元作止是

歸德府散中宣武軍 案攷異云軍下當有節度非也歸



德係散府稱尹者前興中後河南文例如此

睢陽 元苑溟帝學祠碑云睢陽南四十五里有岡阜蟠踞爽塏實古高辛氏之墟上有古城城有古邱邱之陽有帝學之祠祠有二碑其一宋開寶六年其一金崇慶元年聞之故老石刻尙多皆毀於金季

甯陵 廣記屬拱州

下邑 河南志作夏邑非廣記作下不誤

鎮一注會亭 圖經鄴陽至會亭三十七里會亭至穀熟縣八十里

穀熟 鎮二注洛陽 九域志作濟陽

楚邱 廣記屬拱州

壽州下刺史 刺史當作防禦

泰和六年六月升為防禦 泰上當加本刺史

陝州 保平軍節度 平元志作義非

陞為節鎮 此下當加軍曰西安賽不傳趙思文碑

陝注莫河 莫當作黃

靈寶注稠桑澤 澤當作驛

鄧州 穰城 宋志無城字

鎮四注順陽 順陽廣記為縣

南陽注清泠水 此下當加注正大三年升為申州分內



鄉縣地立鎮平縣屬焉 案元志南陽府金升為申州  
有南陽鎮平二縣元好問遺山集南陽縣署上梁文云  
改隸新州夾谷士刺銘云正大三年初置州輟公為刺  
史房周卿齊壽之張昉亦刺申州王國綱王鶚皆同知  
申州西夏王立之申州人蒲阿傳申裕兩州已降元郭  
德海傳癸巳取申唐二州又合達傳會大軍於鎮平宋  
理紀淳祐五年四月鈐轄王雲襲鄧州鎮平縣又遺山  
集有鎮平縣齋感懷覓酒寄筆書事寄家等詩有自鎮  
平罷歸西山樂府嘉靖河南志南陽府西南七十里為  
鎮平縣東至南陽縣界四十里西至內鄉縣界五十里

南至鄧州界四十里北至南陽縣界五十里  
內鄉注縣耳山 縣當作熊九域志  
注浙水 浙當作淅  
唐州 泌陽 鎮一注明陽 明元作胡  
比陽注有大明湖 九域志作大胡山  
湖陽 鎮一注羅集 集元作渠  
桐栢注柘河 柘北作石非  
裕州 方城 廣記屬唐州  
注有方山城 當作方城山  
鎮一注平臺 平元作青



葉注石塘河 塘九域志作城

舞陽 廣記屬潁昌府

鎮二注北舞 明昌三年置倉

河南府 雒陽郡 九域志作河南郡

縣九注正隆郡志有壽安縣紀錄皆無 案九域志廣記

宋志皆有壽安縣世宗紀大定二年二月敗宋兵於壽

安縣蒲察幹論傳宋人據壽安縣集禮縣主號大定七

年改壽安為慶雲殆廢於是年耶 又廣記壽安縣有

錦屏山鹿蹄山此志二山在宜陽縣下宜陽當即壽安

改立

洛陽 廣記有河南此志無當省入此

沔池 沔已作澗 案通史惟李愈傳作澗餘無不譌作

沔者大率寫書人以行狎致誤放翁云近世士大夫所

至喜刻書版而略不校讎錯本書滿天下大誤學者不

如不刻之愈也 此注澗河乃作澗

注澗河 此下當加注後升為韶州置司候司 案本志

無文據元志陝州文補

登封 廣記有潁陽此志無當省入此

孟津 即宋河清

鎮一注舊有河清鎮後廢 案廣記宋志皆有河清縣金



節要云粘罕寇西京翟進扼河清白磊不得渡卽此烏  
林荅胡土傳云縣廢爲鎮特未詳何年月

芝田注有轅轅山 轅元北皆作軒非

注青龍山 山廣記作河

宜陽 卽宋壽安

鞏注有侯山九 九下當加山

嵩州 宋志屬河南府未詳沿革

汝州 秋澗集禮部趙思文集序至元丙子余考試河南

道出臨汝館望松樓者再宿歷覽後園總爲陳迹所謂

汝海虛舟者於蒼煙老樹間巋然獨存因得防禦趙公

亭記於壁間披讀久之想見承平官府之盛日嘉靖河  
南志香遠亭在州治後圃金大定中烏古論知州事時  
建亭前有茶蘼二株宋子初取蘇子由無風香自遠之  
句名之因作記

梁注紫邏山 山當作川

郟城注宋隸許州 廣記屬潁昌府此云許州非

寶豐 廣記有龍興或卽所改

許州 忠武軍 此下當加承安四年罷兼副統軍

長社 廣記屬潁昌府

郟城 廣記屬潁昌府



長葛 廣記屬潁昌府

臨潁 廣記屬潁昌府

襄城注泰和七年來屬 見烏古論慶壽傳

鈞州 升為州仍名潁順 元志作順州

陽翟 廣記屬潁昌府

注三封山 封傳作峯

亳州 戶六萬五百三十五 見溫迪罕達傳

鄧 鎮一注鄧陽 圖經永城縣至鄧陽三十七里鄧陽

至會亭三十七里

陳州 鎮安軍 此下當加天興二年改軍名曰金興

見粘割奴申傳

商水注本激水 激元作激是 至永城縣六十里

蔡州 西平注都艾陂 都元作鄧是 蔡州至禮部六十

平輿 九域志有汝水葛陂遺山集蘇彥遠銘有陽步店

息州 真陽注泰和八年來屬有淮水汝水石唐陂 有

淮以下八小字北本脫

褒信注本隸蔡州泰和八年來屬有汝水葛陂 正文及

注大小十七字北本脫 汝水葛陂九域志作淮水汝

水

新蔡注本隸蔡州泰和八年來屬 正文及注大小十二



字北本脫 案北本係脫刻一行每行二十一格計共  
脫大字四小字三十三

鄭州 河陰 廣記屬孟州

汜水 廣記屬孟州

潁州 宋順昌府 府玉海作軍

泰和 廣紀作萬壽九域志同

宿州 臨渙注肥山 山當作水

鎮三注柳子鄆澤 鄆當作蘄 圖經宿州至蘄澤六十

里蘄澤至柳子五十里柳子至永城縣六十里

蘄注鄆水 鄆元北皆作蘄是

鎮一注靜安 圖經靈壁至靜安六十里靜安至宿州六  
十里

泗州 縣四 四當作三

淮平注以宋有盱眙軍 有北作為非

臨淮 鎮四注青陽 圖經臨淮至青陽八十里青陽至

虹縣八十里

睢甯 二大字當改作注有睢甯三小字上接翟家灣下

接輿定二年 說已見上

注以桃園置 九域淮陽軍宿遷縣有桃園鎮葉水心集

蔡知閣銘楚州有效用張煥聚眾越淮自稱元帥謀取



桃園寨宣紀元光元年七月紅襖賊襲古城桃園官軍破之九月牙吾塔報桃園淮陽之捷哀紀正大三年五月永州桃園軍失利國用安傳執桃園帥吳某等八九人下獄

河北東路 河間府 河間 鎮三注策城永甯 九域

志作東城永牢

獻州 更今名 更上當加以與南京壽州同

清州中 此下當加防禦 案選志部選有清州防禦使

常德輝

興濟注來屬 此下當加注置河倉河志

滄州 橫海軍節度 橫元志作臨非  
南皮注永濟河 河當作渠

景州 案此為觀州因大安更名故仍稱景州不與章宗所改隆蓋瑞吉四州同例是也

東光注有永濟渠 渠北作河非

河北西路 府三 三當作二

節鎮二 二當作三

縣六十一 當作六十

鎮三十三 當作三十二

真定府 迺賢河朔訪古記真定府城中定遠門東街飛



雲樓之東有臨濟寺寺乃臨濟祖庭其靈塔則金世宗所建也又真定府治西街居民舍下有一井極甘美曰真一泉金章宗嘗取惠山泉與此水較之其味大勝章宗曰真一潤二遂以名其泉云

鎮三 三當作二 案北鎮既置阜平不應仍存鎮數

樂城 歸潛志有蔡珪縣令遺愛碑

獲鹿注有草山 草九域志作平

行唐注有玉女山 山北作仙非

鎮二注嘉祐北鎮 二當作一 北鎮二字當削

阜平注以北鎮置 北上當加行唐之三字

元氏 天下金石志有樊倫試劍石頌

沃州 升爲慶源府 慶玉海作德 河朔訪古記州衙

前有金刺史趙溫諤碑樓

蓋取水沃火之義 周輝清波雜志金改吾趙州爲沃州

蓋取以水沃火之義說者謂沃字從天水則著國姓中

興之讖蓋章章云

平棘 訪古記趙州城南平棘縣境通津有大石橋曰安

濟長虹高跨通衢上分作三道下爲環洞兩塊復爲兩

洞制作精偉闌楯刻蹲獅纖巧奇絕華表柱上宋臣使

金者刻題甚多不能盡讀有刻曰連鵬舉使大金至絕



域實居首選宣和六年八月壬子題又趙州城西門外  
平棘縣境有永通橋俗謂之小石橋方之南橋差小而  
石工之製華麗尤精清洙二水合流橋下此則金明昌  
間趙人哀錢而建也建橋碑文中憲大夫致仕王革撰  
橋左復有小碣刻橋之圖金儒題詠并刻於下

注有洙水 洙北作凌非

栢鄉 訪古記栢鄉縣城中通衢居民簷下有栢鄉縣尉  
蘭君碑一通君名儼字望之金明昌間尉栢鄉有遺愛  
民伐石立碑潞州進士張瓌製文將樹碑時皇叔觀察  
使完顏從郁適朝京還因題詩一章於碑後云鄉村皆

願識將軍事簡將軍少出巡白酒不酤誰犯禁黃雞無  
禍得司晨問者撫幼非干譽止社停巫豈嫚神數尺去  
思碑上語後官知勸可書紳鄉人并刻其詩於碑後

邢州 唐山注有堯山 堯北作克非 案石湖集唐山  
詩注云卽堯山金主之父名宗堯改山名然止改縣名  
非改山名也定州汝州皆有堯山

洺州 永年 鎮一注西臨洺 圖經邯鄲至臨洺鎮四  
十里臨洺至沙河縣三十五里

廣平注本魏縣大定七年更 縣下當加隸大名府 更  
下當加名來屬 案此卽大名之魏縣當削彼存此



宗城 廣記屬大名府

成安 廣記屬大名府

彰德府 訪古記彰德路府治後園有休逸臺基面山亭

基金節度完顏熙載作養高樓其上今廢其碑尙存

縣五 五當作四

安陽 訪古記陶唐廟在安陽縣西北六十里乞伏村舊

有金應奉翰林文字同知制誥趙秉文所撰碑一通并

書篆額

鎮三注天祐 祐元作禧

注豐樂 樂北作藥非 圖經相州至豐樂鎮三十里豐

樂至磁州三十里

林慮注升爲林州 許有壬圭塘小橐公生明堂紀彰德

屬州曰林州治西北有公生明亭圯廢已久金承安間

朱徽石刻故存

注置元帥府 宣紀興定四年內族惟良

注洹山 山當作水

輔巖 正文及注大小十一字並當削 案已見上注

磁州 滏陽 鎮四注臺城 圖經磁州至臺城鋪三十

里臺城至邯鄲縣三十里

邯鄲注有邯山 邯山北作邢山非



中山府宋府天會七年降為定州博陵郡定武軍節度使  
後復為府 二十六字當改作定州定武軍節度本宋  
中山府天會七年降為定州後復為府 案國志及選  
志皆云定州據此順文未免疑鎮為府今依德興府例  
改

永平注升為完州 見苗道潤傳及續夷堅志

曲陽注劇 案本志縣下注劇字首見於此後沂州臨沂  
密州諸城濟南長清甯海文登絳州正平曲沃同他縣  
不載未免罅漏又世宗紀大定二十七年詔置錢監於  
此志亦略 又章宗有水竇巖漱玉亭詩

濬州 嫌與宗雋音同 雋當作峻 案此乃熙宗避景

宣嫌諱與宗雋何涉且濬雋亦非同音

衛州 蘇門注升為輝州 見從坦傳

注置山陽縣 置上當加注以懷州修武重泉村

注百門波 波當作陂

胙城 廣記屬滑州

注興定四年以修武縣重泉村置縣來隸 十五字當削

案所置即山陽縣當併入上注

滑州 廣記屬東京

本南京屬郡大定六年割隸大名府 案太宗紀天會四



年正月下濬州渡河取滑州二月以二州與宋弔伐錄  
是年十一月畫河議定河北路指揮有濬無滑以地在  
河南故也河渠志大定八年河決李固渡至十年宋使  
范成大至金有舊滑州詩注云在濬州側積水中爲河  
所淪已久而此乃六年割隸其間淪河改置并南北分  
屬皆無可稽惟攷大金國志熙紀云皇統五年九月河  
決李固渡漂居民五千餘家又上文衛州胙城縣注云  
本隸南京海陵時割隸滑州始知此州早陷於皇統復  
置於海陵至大定始改屬河北耳 又圖經云胙城至  
沙店河南鋪四十五里沙店至滑州四十里滑州至濬

州二十五里則滑在河北矣蓋隸自正隆後歸宋者與  
海陵置州似合 又禹貢錐指云宋史隆興再請和以  
成大充金使孝宗隆興之元二卽金世宗之三四是誤  
以范使在三四年欲與本文六年割隸合未免失檢  
割隸大名府下當加明昌三年來屬 案來屬事已互  
見上衛州文內終未明了故補

白馬 鎮二注衛南 南北作內非

山東東路爲京東東路治益都 爲上當加宋 治益都  
三字當削 齊承皇統八年置益都濟南二府立山東  
東路統軍司於益都轄十三州濰淄密莒甯海登萊沂



海濱棣清滄

縣五十三 三當作一

益都府 鎮海軍 鎮上當加宋為二字 齊乘益都府

城內其西金統軍司衙也有榮鎮中和二堂金太常卿

范拱作中和堂記又齊記補天會中北城頽廢移州治

南陽城為府又普照寺在府東北隅美政坊古名皇化

寺偽豫改名大定碑刻存焉

置南青州節度使 南青州未詳疑有譌

縣七 七當作六

臨朐注洱水 洱當作沮

注般水 此下當加注貞祐四年四月分置穆陵縣

移陵 正文及注大小十五字並當削

臨淄注斗山天齊淵 斗當作牛 齊乘古天齊觀在城

內大定間道士楊善淵建三清觀

樂安 此下當加注宋名千乘天眷中改

濰州 齊乘金人有修城記又城北玉清宮邱長春弟子

尹清和建有石刻

昌邑 齊乘皇統中有題名

濱州 宋軍事 軍上當加渤海郡

利津注明昌三年十二月以永和鎮升置 案食志明昌



三年六月以濱州渤海縣永和鎮去州遠恐藏盜及私鹽可改爲永豐鎮翔設巡檢據此十二月當復升爲縣

蒲臺 金石表縣東南太清觀有真人郭志空詩碑

霑化 鎮三注永科 科當作和

海州 秋澗集雜著王西溪云遺山錄冊中言東平范尊師庵內見化飯王先生說渠海州爲吏者歲貢糟薑糟蟹海棠海棠出州東入海八百里夷島是龍宮地生海棠作矮樹花色深紅大如茶盃面百葉香韻殊絕開時可待一月久既衰不落而萎每歲島中移百本入海州御園明年再移百本而以先所移者供御每花一金

籤牌記之花乃得入州官民家每一花必三葉承之重九開 居易錄云昔人謂唯昌州海棠有香不知海州然云開於九月當別一種非西府垂絲之類 案文州下失載貢產

縣五 五當作四 案州屬止四縣

莒州 廣記莒縣屬密州

大定二十二年 二十二當作二十三

戶四萬三千二百四十 三北作五非

日照 鎮一注濤洛 濤北作河非

沂水 廣記屬沂州



棣州 廣記屬河北東路

商河 廣記作滴河疑譌

濟南府 宋濟州 濟州元北皆作齊州是

齊河 通志宋以禹城縣之耿濟鎮改置齊河金大定八

年升鎮為縣

濟陽 攷異引元于欽齊乘云金初劉豫割章邱之標竿

鎮及臨邑封圻之半置濟陽縣大定六年當為大安初避金

主允濟諱改曰清陽允濟遇弒復舊名衛王事蹟史失

其傳以濟陽永濟之例推之則濟南府亦當改易案齊

乘之言臆說也本志濟陽注中無明文若真諱改則下

文濟州與曹州之濟陰清州之興濟孟州之濟源亦應

在改例何皆無之惟大安詔書本有與朕名不連續不

必別改之旨此本唐太宗連諱世民二字詔語非若永濟務永濟縣連

名之改豐潤也攷異引此并疑及濟南未免過信臆說

淄州 淄川 鎮三注金嶺 嶺當作城 案章紀泰和

六年宋人入金城執中傳駐金城胸山即此

注顏袖店 袖當作神

長山 天下金石志有懷范樓碑泰和中立

注有長白山 長白山亦見魏書韋馥傳潛邱劄記云

鄒平 鎮三注介東 介當作齊 通志阜昌中於鄒平



縣之趙巖口置齊東鎮

萊州 卽墨注有牢不其天室等山 元作有牢山不其

山天室山是

招遠 通志天會中始於羅峯鎮置縣

登州 福山 通志阜昌中始於西水鎮置縣

黃 天下金石志有縣尹陳口蘆山真君碑

棲霞 通志阜昌中始於陽曠鎮置縣

甯海州 牟平 廣記屬登州

文登 廣記屬登州

山東西路 東平府 東阿 通志天會中徙治新橋鎮

汶上 天下金石志有洸河橋碑

濟州 徙治任城縣 元志金遷州治以河水淹沒故也

嘉祥 通志皇統中始析鉅野山口鎮置縣正隆初圯於

水徙治橫山之南大定十五年又徙治於萌山下 廣

記無

徐州 彭城 鎮三注陞爲永固縣 見禹顯傳

邳州 下邳注冰水 冰已作沐

蘭陵注本承縣 廣記屬沂州

注徙治土婁村 此下當加注興定中置嶧州元志

滕州 升爲滕陽州 滕北作勝非 廣記屬徐州無滕



陽名

沛 廣記屬徐州

注郭水 郭元作灑是 水下當加注天興間升源州用

安傳

博州 廣記屬河北東路

聊城注有莊山 莊元作莊是

茌平 廣記本漢縣唐貞觀省入聊城 通志天會中置

兗州 廣記屬京東東路又兗州屬有鄒縣未詳沿革

甯陽注舊名龔縣 龔下當加邱

泰安州 萊蕪 廣記屬兗州

新泰 廣記屬沂州

德州 安德注有隔津河 隔元作鬲是

德平 廣記云故鎮省入安德未知何年立

曹州中刺史 此下當加國初作防禦合住傳

大定八年城為河所沒 中州集癸冊李獻甫河上之役

詩新築河隄要策勳萬人採盡北壩薪青青好借曹州

柳舊是中原一段春注曹陷沒已久又康元弼傳改築

北原

定陶注獨狐山 狐已作孤與元本合

東明 廣記屬東京



注徙河北冤句故地 案廣記曰冤亭縣

注後以故縣為蘭陽儀封 案儀封已見上蘭陽未詳或

疑黃陵之譌

齊書中風一典春書曹謂好日八又取元陳書也

齊書齊國要策臨人封處北郡海青有後曹州

大獄八平獄為同復好 中風矣矣冊李魏甫河土之好

曹州中陳史 此不當賦國臨我南樂 合此

曹平 魏書元始難齊人受難本賦同平立

曹州 案齊封百副曹河 曹州平南景

金史詳校卷三上

已巳六月汪曰楨校寫于紹興開元寺寺在會稽儒學北百餘步



